

ՀՀ ԻՐԱՎԱԲԱՆՆԵՐԻ ՄԻՈՒԹՅՈՒՆ
ԵՊՀ ԻՐԱՎԱԳԻՏՈՒԹՅԱՆ ՖԱԿՈՒԼՏԵՏ

ՊԵՏՈՒԹՅՈՒՆ ԵՎ ԻՐԱՎՈՒՆՔ

Թիվ 1 (86)

2020 թ.

Գլխավոր խմբագիր՝
ՀՀ ԳԱԱ ակադեմիկոս,
ի.գ.դ., պրոֆ. Գագիկ Ղազինյան

Խ մ ք ա գ ր ա կ ա ն խ ո ղ ր ր ղ

Սամվել Դիլբանդյան - ի.գ.դ.

Գլխավոր խմբագրի տեղակալ

Կարեն Գևորգյան - ի.գ.թ

Գլխավոր խմբագրի տեղակալ

Աշոտ Պետրոսյան -

պատասխանատու քարտուղար

Գևորգ Դանիելյան - ի.գ.դ.

Նիկոլայ Ստոյկո - ի.գ.դ.

Հարություն Խաչիկյան - ի.գ.դ.

Արմեն Հայկյանց - ի.գ.դ.

Ղավիթ Ավետիսյան - ի.գ.թ.

Արթուր Վաղարշյան - ի.գ.դ.

Սերգեյ Առաքելյան - ի.գ.դ.

Վահե Հովհաննիսյան - ի.գ.դ.

Տարոն Սիմոնյան - ի.գ.թ.

Հիմնադիր և հրատարակիչ՝
ՀՀ իրավաբանների միություն,
ԵՊՀ իրավագիտության
ֆակուլտետ

Խմբագրության հասցեն՝

ՀՀ, 0025 Երևան,

Ալեք Մանուկյան 1, ԵՊՀ

իրավագիտության ֆակուլտետ:

Հեռ. 060-71-02-47

Էլ. կայք՝

[http://ysu.am/faculties/hy/Law/
section/structure/amb/48439](http://ysu.am/faculties/hy/Law/section/structure/amb/48439)

Խմբագրությունը կարող է

հրապարակել նյութեր՝ համամիտ

չլինելով հեղինակների

տեսակետներին:

12 համակարգչային էջից ավելի

չպատվիրված նյութերը չեն

ընդունվում:

e-mail: a_petrosyan@ysu.am

Ղախիչ՝ 77771

Տպագրական 8 մամուլ

Գրանցման թիվը՝ 798

Տպաքանակը՝ 500

Գինը՝ պայմանագրային

Հանձնված է շարվածքի

24.12.2019

Հանձնված է տպագրության

15.05.2020

С О Ю З Ю Р И С Т О В Р А
Ю Р И Д И Ч Е С К И Й Ф А К У Л Ъ Т Е Т Е Г У

ГОСУДАРСТВО И ПРАВО

Номер 1 (86)
2020 г.

Главный редактор:
академик НАН РА,
д.ю.н., проф. Гагик Казинян

Учредитель и издатель:
Союз Юристов РА,
Юридический факультет ЕГУ

Р е д а к ц и о н н ы й с о в е т

Самвел Дилбандян - д.ю.н.

зам. главного редактора

Карен Геворгян - к.ю.н.

зам. главного редактора

Ашот Петросян -

ответственный секретарь

Геворг Даниелян - д.ю.н.

Арутюн Хачикян - д.ю.н.

Николай Стойко - д.ю.н.

Армен Айкянц - д.ю.н.

Давид Аветисян - к.ю.н.

Артур Вагаршян - д.ю.н.

Сергей Аракелян - д.ю.н.

Ваге Оганнесян - д.ю.н.

Тарон Симонян - к.ю.н.

Адрес редакции:
РА, 0025 Ереван,
ул. Алека Манукяна 1,
юридический факультет ЕГУ.
Тел.: 060-71-02-47
e-mail: a_petrosyan@ysu.am
web: [http://ysu.am/faculties/hy/Law/
section/structure/amb/48439](http://ysu.am/faculties/hy/Law/section/structure/amb/48439)

8 усл. печ. л.
Тираж: 500
Сдано в набор 24.12.2019
Подписано к печати 15.05.2020

ԻՐԱՎԱՊԱՀ ՄԱՐՄԻՆՆԵՐԻ ՆԱԽԿԻՆ ԱՇԽԱՏԱԿԻՑ ՂԱՏԱՊԱՐՏՅԱԼՆԵՐԻ ՀԻՄՆԱՀԱՐՑՆ ԱԶԱՏԱԶՐԿՄԱՆ ՂԱՏԱՊԱՐՏՎԱԾՆԵՐԻ ՂԱՍԱԿԱՐԳՄԱՆ ՀԱՄԱՏԵՔՍՈՒՄ

Ղավիթ Զիլֆինյան

*ԵՊՀ քրեական իրավունքի ամբիոնի հայցորդ,
Շիրակի մարզի դատախազության դատախազ*

Քրեակատարողական իրավունքի հիմարար ինստիտուտներից է ազատազրկման դատապարտված անձանց դասակարգումը, որն օրենքով սահմանված չափանիշներով դատապարտյալներին բաժանում է որոշակի խմբերի՝ ստեղծելու նպաստավոր պայմաններ պատժի նպատակների արդյունավետ իրականացման համար: Այս հասկացությունը քրեակատարողական իրավունքի տեսության, քաղաքականության և օրենսդրության մեջ արդեն վաղուց տեղ գտած և իր արդյունավետությունը հիմնավորապես ապացուցած ինստիտուտներից է: Այն որոշակի հատկանիշների հիման վրա դատապարտվածների բաժանումն է համեմատաբար միասեռ խմբերի, որի նպատակն է առավել արդյունավետ դարձնել պատժի իրականացումը¹:

Արդի իրավունքում այն արդեն միջազգայնորեն ամրագրված է: ՄԱԿ-ի «Ղատապարտյալների հետ վարվեցողության նվազագույն չափորոշիչների կանոնները» 67 հոդվածի համաձայն՝ դասակարգումը նպատակ ունի՝ ա) ազատազրկվածներին առանձնացնել նրանցից, ովքեր իրենց հանցավոր անցյալի և բնավորության բացասական գծերի ուժով սպառնում են մյուսների վրա թողնել վատ ազդեցություն, բ) ազատազրկվածներին բաժանել խմբերի, որը կհեշտացնի նրանց հետ աշխատանքը՝ հասարակական կյանքին վերադարձնելու նպատակով²:

Փաստորեն, իրավապահ մարմինների նախկին աշխատակից դատապարտյալի հիմնահարցը քրեակատարողական իրավունքի ինստիտուցիոնալ համակարգում սերտորեն կապված է ազատազրկման դատապարտված անձանց դասակարգման իրավական ինստիտուտի հետ: Այդպիսի պնդման հիմքն առաջին հերթին դասակարգման տվյալ խմբի անձանց անջատ պահելու պահանջի գետեղումն է քրեակատարողական օրենսդրության այն բաժնում, որի կարգավորման առարկան ազատազրկման դատապարտվածների դասակարգումն ու դրա չափանիշներն են: ՀՀ քրեակատարողական օրենսգրքի (այսուհետ՝ ՀՀ ՔԿՕ) իրավապահ մարմինների նախկին աշխատակից անձանց անջատ պահելու վերաբերյալ դրույթը տեղ է գտել «Քրեակատարողական հիմնարկում դատապարտյալներին անջատ պահելը» վերտառությամբ հոդված 68-ում: Ղատապարտվածները նախատեսված օրենսդրական չափանիշների հիման վրա դասակարգվում են որոշակի խմբերի, և սահմանվում են դրանց անջատ պահելու պահանջները: Նման բովանդակության հոդված ուներ Խորհրդային Միության «Ուղղիչ աշխատանքային օրենսդրության հիմունքները» (հոդված 18)³: Ընդ որում, քրեակատարողական իրավունքի տեսությունն ինչպես նախկինում, այնպես էլ ներկայումս օրենքի այդ հոդվածում նախատեսված ի-

¹ Տե՛ս **Խաչիկյան Հ.Մ.**, Հայաստանի Հանրապետության քրեակատարողական իրավունք: Ուսումնական ձեռնարկ, ԵՊՀ իրատ., Եր., 2011, էջ 149:

² ՄԱԿ-ի 1955 թ. «Ղատապարտյալների հետ վարվեցողության նվազագույն չափորոշիչների կանոնները» կառուցվածքի և բովանդակության մանրամասն վերլուծությունը տե՛ս Уголовно-исполнительное право России /Под ред. А.И. Зубкова.- М.: Издательская группа ИНФРА . М-НОРМА, 1997, с. 550-556:

³ Տե՛ս Уголовно-исполнительный кодекс Российской Федерации. Концепция и основные положения. Сопоставительный текст. Постатейный комментарий к новеллам. /В.И. Селивестров, Н.В. Шмаров, Л.В. Яковлев.- М.: Юрисрь, 1997, էջ 182-183:

րավադրույթները դիտում է որպես ազատագրկման դատապարտվածների դասակարգման օրենսդրական հիմք, իսկ դասակարգման տեսությունը կառուցված է դրավրա¹: Ասվածը հիմք է տալիս պնդելու, որ իրավապահ մարմինների նախկին աշխատակիցներին անջատ պահելն ազատագրկման դատապարտված անձանց դասակարգման քրեակատարողական իրավական ինստիտուտի ենթահիմնատիտուտ է:

Մինչև հետազոտական այս խնդրի կենսագործմանն անցնելը փորձենք վերհանել դրան վերաբերող ուսումնասիրությունների արդի վիճակը: Հետազոտական խնդրի առարկան կազմված է երկու հիմնահարցերից՝

ա) ի՞նչ է «իրավապահ մարմինների նախկին աշխատակից դատապարտյալ անձ» հասկացությունն ընդհանրապես քրեակատարողական իրավունքի համակարգում և տեսության մեջ,

բ) ի՞նչ է ազատագրկման դատապարտված անձանց դասակարգման տեսության ընդհանուր էությունը, և որո՞նք են դրա գիտական հիմնադրույթները:

Ի տարբերություն երկրորդի՝ առաջին հիմնահարցի՝ իրավապահ մարմինների նախկին աշխատակից դատապարտյալ անձի հասկացության վերաբերյալ ուսումնասիրությունները բավականին սակավ են: Ընդ որում, ինչպես խորհրդային, այնպես էլ արդի տեսաբանները, կարծես թե, շրջանցում են այդ հիմնահարցը՝ չխորանալով դրա նպատակահարմարության, սոցիոլոգիական հիմքերի ու պատճառների, դասակարգման չափանիշի և նպատակների համապատասխանության հարցերի հետազոտման ու տեսական իմաստավորման մեջ²: Եթե խորհրդային ուղղիչ-աշխատանքային իրավունքի տեսության համար դրա անտեսումն ու անորոշությունը հնարավոր էր բացատրել քաղաքական պատճառներով, ապա մեր օրերում նման մոտեցումն անհասկանալի է: Բոլոր հեղինակները միտումնավոր շրջանցում են այդ հարցը, չեն խորանում հարցի էության մեջ, այն էլ այն դեպքում, որ քրեակատարողական իրավունքի տեսությունը վերը նշված դասակարգման նպատակների ու չափանիշների կապվածության մեթոդաբանական համատեքստում մշակել է նաև ազատագրկման դատապարտվածների դասակարգման չափանիշների տեսությունը³:

Փորձենք ամփոփ ներկայացնել ազատագրկման դատապարտվածների դա-

¹ Տե՛ս **Стручков Н.А., Брызгалов В.Н.**, Классификация осужденных к лишению свободы и определение им вида исправительно-трудовой колонии. Киев, 1967; **Шмаров И.В., Мелентьев М.П., Бриллиантов А.Б.**, Дифференциация исполнения наказания в исправительно-трудовых учреждениях. Пермь, 1971; **Рябкина А.А.**, Основы исправительно-трудового (уголовно-исполнительного) права Российской федерации. Вопросы дифференциации и индивидуализации наказания, М., 1995; **Бриллиантов А.Б.**, Проблемы классификации осужденных к лишению свободы в целях дифференциации условий отбывания наказания: Монография. – М.: ВНИИ МВД РФ, 1995, 144 с.; **Бриллиантов А.Б.**, Дифференциация наказания и степень исправления осужденных к лишению свободы: Монография.- ВНИИ МВД России, 1997.

² Օրինակ՝ 1988 թ., այսինքն՝ գորբաչովյան վերակառուցման քաղաքականության օրոք և բացախտության պայմաններում իրատարակված հետազոտություններից մեկում քննարկելով դատապարտյալների հասարակությունից մեկուսացնելու պայմաններում նրանց վարքագծի օրինաչափությունները, համառորեն չեն բարձրացնում այդ խնդիրը (տե՛ս **Хохряков Г.Ф., Саркисов Г.С.**, Преступления осужденных: причины и предупреждение: (Основные проблемы пенитенциарной криминологии) /Отв. редактор Сахаров А.Б.- Ер.: Айастан, 1988, 280 с.)

³ Տե՛ս **Стручков Н.А., Брызгалов В.Н.**, Классификация осужденных к лишению свободы и определение им вида исправительно-трудовой колонии. Киев, 1967; **Стручков Н.А.** Курс исправительно-трудового права: Проблемы особенной части. М., 1985; Советское исправительно-трудовое право /**Беляев Н.А., Бойцов А.И.** и др., под ред. Н.А. Беляева, В.С. Прохорова.- Л.: Изд-во Ленинградского университета, 1989, с. 70; **Бриллиантов А.Б.**, Проблемы классификации осужденных к лишению свободы в целях дифференциации условий отбывания наказания: Монография. – М.: ВНИИ МВД РФ, 1995, с. 29-52; Уголовно-исполнительное право России /Под ред. А.И. Зубкова.- М.: Издательская группа ИНФРА . М-НОРМА, 1997, с. 290-291; **Бриллиантов А.Б.**, Дифференциация наказания и степень испрствления осужденных к лишению свободы: Монография.- ВНИИ МВД России, 1997, с. 21-45.

սակարգման տեսության հիմնադրույթները և դրանց համատեքստում իմաստավորել իրավապահ մարմինների նախկին աշխատակից դատապարտյալների հիմնահարցը: Քրեակատարողական իրավունքում ազատությունից զրկելու հետ կապված պատժի դատապարտվածների դասակարգումը պետք է հասկանալ երկու իմաստով: Առաջին՝ նախնական դասակարգում. ըստ օրենքով սահմանված առանձին տեսակի՝ քրեակատարողական հիմնարկներում պատժի կրումը կազմակերպելու համար, և երկրորդ՝ հետագա դասակարգում, որ կատարվում է արդեն բուն քրեակատարողական հիմնարկում՝ ըստ վերասոցիալականացման (ուղղման) աստիճանի¹: Սույն աշխատանքում դասակարգման հիմնահարցը դիտարկվելու է միայն առաջին իմաստով:

1. Ազատագրվման դատապարտված անձանց դասակարգումը՝ որպես օրենքով ամրագրված մեթոդ, համարվում է պատժի տարբերակման ու անհատականացման միջոց: Իսկ պատժի կատարման անհատականացումը քրեակատարողական իրավունքի տեսության մեջ հասկացվում է որպես «յուրաքանչյուր դատապարտյալի նկատմամբ նրա անհատականությունը բնութագրող տվյալների հաշվառմամբ կիրառվող ուղղիչ-աշխատանքային իրավունքի նորմերով սահմանված ռեժիմի ընդհանուր կանոններ, ինչպես նաև իրավունքի նորմերով ու ուղղիչ-աշխատանքային մանկավարժության համապատասխան սկզբունքներով նախատեսված ուղղիչ-աշխատանքային ներգործության միջոցներ և մեթոդներ»²:

2. Ազատագրվման դատապարտված անձանց դասակարգումը կատարվում է որոշակի նպատակներից ելնելով, ինչն էլ իր հերթին ուղղված է պատժի կատարման նպատակների կենսագործմանը³:

3. Ազատագրվման դատապարտվածների դասակարգման նպատակներից բխում են դասակարգման չափանիշները: ՀՀ, ՌԴ, հետխորհրդային այլ հանրապետությունների օրենսդրության ուսումնասիրությունը ցույց է տալիս, որ ներկայումս ազատագրվման դատապարտվածների դասակարգման չափանիշներ են համարվում սոցիալ-ժողովրդագրական (սեռը, տարիքը, քաղաքացիությունը, առողջական վիճակը), քրեաիրավական (կատարված հանցագործության տեսակը, մեղքի ձևը, պատժի տեսակը և ժամկետը, հանցագործության ռեցեդիվը) վիճակը, այնուհետև՝ ազատագրվման դատապարտվելը: Ընդ որում, այդ չափանիշները սերտորեն կապված են քրեական իրավունքում հանցագործությունների տեսակների հետ: Հանցագործությունների դասակարգման չափանիշներն ազդում են արդեն դատապարտված անձանց դասակարգման վրա⁴: Աշխատանքի վայրը մինչև կալանավորվելը որպես չափանիշ նշում են հազվադեպ հեղինակներ, օրինակ Ի.Վ. Շմարովը և Ա.Ս. Միխիլինը, այն էլ՝ առանց դասակարգման այդ չափանիշն առաջ քաշելու պատճառը մատնանշելու⁵:

¹ Այդ մասին մանրամասն տե՛ս **Брилиантов А.Б.**, Дифференциация наказания и степень исправления осужденных к лишению свободы: Монография.- ВНИИ МВД России, 1997, 21-45 էջերը:

² Տե՛ս **Стручков Н.А.**, Курс исправительно-трудового права: Проблемы особенной части. М., 1985, с. 21:

³ Պատժի կատարման նպատակները թվարկված են օրենքում: Սակայն պատժի տարբեր տեսակները կատարելիս այդ նպատակները կենսագործվում են ոչ հավասարաչափ: Որոշ պատժատեսակներ առաջացնում են նաև բացասական հետևանքներ: Այս երևույթը վեր է հանված դեռ խորհրդային շրջանում (տե՛ս **Хохряков Г.Ф., Саркисов Г.С.**, Преступления осужденных: причины и предупреждение: (Основные проблемы пенитенциарной криминологии) /Отв. редактор Сахаров А.Б.- Ер.: Айастан, 1988, էջ 212-213):

⁴ Տե՛ս **Уголовно-исполнительное право России** /Под ред. А.И. Зубкова.- М.: Издательская группа ИНФРА . М-НОРМА, 1997, с. 288-289.

⁵ Տե՛ս **Уголовно-исполнительное право России** /Под ред. проф. В.И. Селивестрова. – 2-е изд., перераб. и доп. – М.: Юристъ, 2000.- с. 291:

4. Ղատապարտված անձանց դասակարգման չափանիշը չի կարող լինել կամայական, պատահական, ածանցյալ հատկությունը: Ազատագրվածներին դասակարգելիս որպես հիմք պետք է վերցնել էական, վճռորոշ հատկանիշը, որից բխում և ածանցվում են տվյալ խմբի մնացած հատկանիշները: Ղրանց հիմնական մասը նախասահմանված է քրեական իրավունքով, քրեակատարողական իրավունքը միայն հստակեցնում և մանրամասնում է այդ չափանիշները և շրջանակը:

5. Ազատագրվածն դատապարտվածների դասակարգման չափանիշները բաժանվում են երեք տեսակի՝ իրավական, մանկավարժական, հոգեբանական: Միևնույն ժամանակ դրանք կարող են լինել ֆիզիոլոգիական (սեռ, տարիքը, առողջական վիճակը) և սոցիալական (հանցագործության հասարակական վտանգավորությունը, հանցագործ անձի բնութագիրը, հանցավոր դիրքորոշման կայունությունը)¹:

Քրեակատարողական իրավունքի տեսության մեջ ազատագրվածն դատապարտված անձանց դասակարգումն ավանդաբար համարվում է քրեական և քրեակատարողական իրավունքների պատժի անհատականացման սկզբունքի կենսագործման միջոց: Այս տեսակետին են ինչպես խորհրդային ուղղիչ աշխատանքային իրավունքի տեսությունը, այնպես էլ ներկայիս քրեակատարողական իրավունքի տեսությունը:

Խորհրդային հեղինակներից Ն. Ա. Բելյակը գտնում էր, որ «դասակարգումը կատարվում է պատժի անհատականացման սկզբունքն ավելի հետևողական կենսագործելու համար»²: Քրեակատարողական իրավունքի արդի տեսաբանները ևս գտնում են, որ դասակարգումն անհրաժեշտ նախադրյալներ է ստեղծում տվյալ տեսակի պատժի կատարումը տարբերակելու համար, պայմանավորում է քրեակատարողական հիմնարկների համակարգը, պայմաններ է ստեղծում անհատականացնելու պատժի կատարումը³:

Ե՛վ խորհրդային ուղղիչ-աշխատանքային իրավունքի, և՛ արդի քրեակատարողական իրավունքի տեսությունների այս մոտեցումներն անկասկած հիմնավորված են: Սակայն դասակարգման առանձին չափանիշների խորացված ուսումնասիրությունը և համեմատությունը հիմք են տալիս առաջ քաշելու ենթադրություն, որ դա չի վերաբերում իրավապահ մարմինների նախկին աշխատակից դատապարտյալների՝ որպես ազատագրվածն առանձին խմբում դասելուն և նրանց նկատմամբ պատիժն անջատ կիրառելու ինստիտուտին:

Քրեակատարողական իրավունքի տեսության մեջ ընդունված մոտեցումների համաձայն՝ դասակարգումը դատապարտյալների բաժանումն է հարաբերականորեն միասեռ խմբերի՝ կախված կատարված հանցագործության հանրային վտանգավորության աստիճանից, անցյալում ունեցած դատվածությունից, սեռից, տարիքից և անհատի այլ առանձնահատկություններից⁴: Ինչպես նկատում ենք, վերը

¹ Տե՛ս Советское исправительно-трудовое право /**Беляев Н.А., Бойцов А.И.** и др., под ред. Н.А. Беляева, В.С. Прохорова.- Л.: Изд-во Ленинградского университета, 1989, с. 70.

² Տե՛ս **Беляев Н.А.**, Классификация осужденных и их распределение по исправительно-трудовым учреждениям //Советское исправительно-трудовое право /**Беляев Н.А., Бойцов А.И.** и др., Под ред. Н.А. Беляева, В.С. Прохорова.- Л.: Изд-во Ленинградского университета, 1989, с. 68-69.

³ Տե՛ս **Михлин А.С., Шмаров И.В.**, Классификация осужденных к лишению свободы и распределение их по исправительным учреждениям //Уголовно-исполнительное право России /Под ред. проф. В.И. Селивестрова. – 2-е изд., перераб. и доп. – М.: Юристь, 2000.- с. 287; **Хачикян А.М.** Лишение свободы: Криминологические и уголовно-исполнительные проблемы. Изд. Ереванского университета.- Ереван, 2008, 192 с.; **Խաչիկյան Հ.Մ.**, Հայաստանի Հանրապետության քրեակատարողական իրավունք: Ուսումնական ձեռնարկ, ԵՊՀ հրատ., Եր., 2011, էջ 149:

⁴ Տե՛ս **Михлин А.С., Шмаров И.В.**, Классификация осужденных к лишению свободы и распределение их по исправительным учреждениям //Уголовно-исполнительное право России /Под ред. проф. В.И. Селивестрова. – 2-е изд., перераб. и доп. – М.: Юристь, 2000.- с. 287:

նշված նպատակների և դասակարգման չափանիշների շրջանակում չի տեղավորվում իրավապահ մարմինների նախկին աշխատակից դատապարտյալների առանձնացումը¹:

Արված վերլուծությունը թույլ է տալիս հիմնավորելու, որ, ըստ էության, ազատագրված նպատարատված անձանց դասակարգման օրենքով ամրագրված չափանիշների գերակշռող մասը, բացառությամբ ազատագրվածան դատապարտված իրավապահ մարմինների նախկին աշխատակցի, ինչպես նաև ՀՀ քաղաքացիություն չունեցող (այլ երկրների քաղաքացիներ և քաղաքացիություն չունեցող) անձանց խմբերից, համարվում է պատժի կատարման անհատականացման միջոց: Նույնիսկ սեռային հիմքով բաժանումը հետապնդում է պատժի կատարման անհատականացման նպատակ: Բայց նախկինում իրավապահ համակարգում աշխատելը կամ ՀՀ քաղաքացիություն չունենալը որպես դասակարգման չափանիշներ որևէ կապ չունի պատժի անհատականացման սկզբունքի հետ:

Ամեն մի գործընթաց և գործողություն ընդհանրապես, քրեակատարողական ոլորտում հատկապես հետևում են որոշակի նպատակներ, կոչված են ապահովելու ինչ-որ մի դրություն, իրերի վիճակ: Այս կապակցությամբ ազատագրվածան դատապարտվածների դասակարգումը ևս հետապնդում է որոշակի նպատակներ: Տեսաբաններն ամփոփում են այդ նպատակները հետևյալ սխեմայում: Ազատագրվածան դատապարտվածների դասակարգումը կոչված է ապահովել՝

ա) դատապարտյալների տարբեր խմբերի մեկուսացումը՝ նպատակ ունենալով կանխել առավել վտանգավոր հանցագործների բացասական ազդեցությունը պակաս վտանգավորների վրա,

բ) ուղղիչ հիմնարկների առավել արդյունավետ համակարգի ստեղծումը,

գ) ուղղիչ ներգործության միջոցների և մեթոդների խիստ անհատական կիրառումը,

դ) հանցագործության հանրային վտանգավորության, հանցագործի անձի ու պատժի բովանդակությունը կազմող պատժիչ միջոցների ծավալի ճիշտ հարաբերակցությունը,

ե) պատժի կատարման համար պատշաճ պայմանների ստեղծումը²:

Դասակարգման նպատակների այս խումբը, որ դրված է ազատագրվածան դատապարտվածների դասակարգման ինստիտուտի առջև, հիմնականում կապված է պատժի տարբերակման ու անհատականացման հետ, կոչված է իրականացնելու հենց դրանք: Այդ նպատակներում չեն տեղավորվում ազատագրվածան դատապարտված անձանց դասակարգման օրենքով սահմանված մի շարք չափանիշներ, հատկապես քաղաքացիության հարցը և նախկինում իրավապահ մարմինների աշխատակից լինելու հանգամանքը:

Եթե այս նպատակների համատեքստում վերլուծենք իրավապահ մարմինների նախկին աշխատակից դատապարտյալներին անջատ պահելու պահանջը, ապա կտեսնենք, որ այն որևէ կապ չունի դրանց հետ և նույնիսկ այդ նպատակներից որոշ մասի հետ ինչ-որ տեղ հակասության մեջ է մտնում: Մասնավորապես՝ զուտ ձևա-

¹ Այդ շրջանակում չի տեղավորվում նաև օտարերկրացիների և ընդհանրապես քաղաքացիություն չունեցող (ապատրիդ) անձանց նկատմամբ ազատագրվածան անջատ կիրառման կարգը: Եթե դասակարգումը դատապարտյալների բաժանումն է միասեռ խմբերի՝ ելնելով կատարված հանցանքի հանրային վտանգավորության աստիճանից, նախկինում ունեցած դատվածությունից, տարիքից և այլ առանձնահատկություններից, նպատակ ունի ավելի հետևողական իրացնել պատժի անհատականացման սկզբունքը, ապա այս անձանց քաղաքական-իրավական հատկությունը՝ ՀՀ քաղաքացիության բացակայությունը, որևէ կապ չունի այդ նպատակի հետ: Այստեղ առաջնային է այդ անձի առավել անվտանգության ապահովումը, որով կանխվում է միջազգային դիվանագիտական սկանդալը:

² Տե՛ս Советское исправительно-трудовое право /Беляев Н.А., Бойцов А.И. и др., под ред. Н.А. Беляева, В.С. Прохорова.- Л.: Изд-во Ленинградского университета, 1989, с. 69:

կան տրամաբանության տեսանկյունից, առանց սոցիալական հիմքերի հաշվառման, իրավապահ մարմինների նախկին աշխատակից դատապարտյալների անջատ պահելու պահանջն իռացիոնալ է, այլ ոչ թե ռացիոնալ. անջատ պահելը չի ազդում այդ խմբի անձանց և նրանց նկատմամբ վերասոցիալականացման կիրառվող միջոցների հարաբերակցության կամ համակարգի վրա:

Այսպիսի եզրակացությունն առաջ է բերում հարցադրում. այդ դեպքում ո՞րն է իրավապահ մարմինների նախկին աշխատակից ազատազրկման դատապարտված անձանց դասակարգման առանձին խմբում դասելու նպատակը: Այս հարցի հիմնավոր պատասխանը կարելի է համարել տվյալ անձանց անվտանգության ապահովումը պատժի կրման ընթացքում: Այսինքն՝ իրավապահ մարմինների նախկին աշխատակից դատապարտյալների դասակարգման առանձին խմբում տեղավորելը ոչ թե արտոնություն է, այլ հարկադրված միջոց, որը նպատակամղված է ազատազրկման ձևով պատժի կատարման ընթացքում տվյալ խմբի անձանց անվտանգության ապահովմանը: Դա հաստատում է այն փաստը, որ առանձին դասակարգման խումբ են կազմում նաև ՀՀ քաղաքացիություն չունեցող անձինք:

Իրավապահ մարմինների նախկին աշխատակից անձանց ազատազրկման ձևով պատժի կատարման ընթացքում անջատ պահելու սոցիոլոգիական հիմքը քրեակատարողական հիմնարկներում առկա բարքերն են, դրա իրավաբանորեն ձևակերպված չափանիշը՝ այս անձանց նախկինում զբաղեցրած պաշտոնը կամ աշխատանքի բնույթը: Այսպիսի եզրակացությունից բխում է, որ քրեակատարողական իրավունքի տեսության մեջ ազատազրկման դատապարտվածների դասակարգման տեսական բովանդակությունը պետք է լրացվի հետևյալ հիմնադրույթով. ազատազրկման դատապարտված անձանց դասակարգման նպատակներից, բացի արդեն մշակվածներից, պետք է ձանաչել նաև այդ անձանց անվտանգության ապահովումը, հետևաբար ազատազրկվածների դասակարգման մեթոդաբանությունը ոչ միայն պատժի կատարման ու կրման անհատականացման, այլ նաև ազատազրկման դատապարտվածների մի շարք անձնական և այլ բնույթի իրավունքների ու ազատությունների ապահովման միջոց է: Ընդ որում նման նպատակ են հետապնդում ոչ միայն իրավապահ մարմինների նախկին աշխատակից դատապարտյալներին դասակարգման առանձին խմբում առանձնացնելը և պատժի անջատ կատարումը, այլ նաև ՀՀ քաղաքացիություն չունեցող անձանց և շրջապատի համար վտանգ ներկայացնող հիվանդություններով տառապող դատապարտյալների առանձնացումը (ՀՀ ՔԿՕ, հոդ. 68, մաս 1, կետ 5): Այս առաջարկության հանրաձանաչ դառնալու շնորհիվ կլուծվեն դասակարգման նպատակների ու մեզ հետաքրքրող դասակարգման խմբի, դասակարգման՝ որպես անհատականացման միջոցի և իրավապահ մարմինների նախկին աշխատակից դատապարտյալների՝ դասակարգման այդ շրջանակում չտեղավորվելու կոլիզիաներն ու տարածայնությունները:

Քրեակատարողական իրավունքի ազատազրկման դատապարտվածների դասակարգման տեսության հիմնադրույթների համաձայն գոյություն ունի սերտ կապ այդ դասակարգման նպատակների և չափանիշների (հիմքերի) միջև, իսկ դրանք կամայական հայեցողության արդյունք չեն, այլ ունեն իրավական, սոցիոլոգիական լուրջ հիմքեր ու պատճառներ: Նշանակում է՝ անհրաժեշտ է պարզել ազատազրկման դատապարտվածների դասակարգման նպատակների և դասակարգման չափանիշների միջև կապը՝ հասկանալու համար մեզ հետաքրքրող դատապարտյալներին ինքնուրույն դասակարգման խմբում առանձնացնելու իրավական ու սոցիոլոգիական հիմքերը:

Քրեակատարողական իրավունքի տեսությունը դեռևս խորհրդային շրջանից բավականին մանրազնին մշակել է ազատազրկման դատապարտվածների դասակարգման նպատակների (ինչը վերլուծեցինք վերը) և չափանիշների համակարգը: Ընդ որում, այս հարցի մշակման ընթացքում առաջ են քաշվել հետաքրքիր մեթոդաբանական մոտեցումներ այն մասին, որ ազատազրկման դատապարտվածների

դասակարգման նպատակներից պետք է բխեն նաև այն չափանիշները, որոնք կիրառվելու են բոլոր դատապարտյալներին որոշակի խմբերի բաժանելու համար¹: Սակայն մեզ հետաքրքրող հարցի տեսանկյունից չենք նկատում որևէ կապ ազատագրկման դատապարտված իրավապահ մարմինների նախկին աշխատակից դատապարտյալների առանձնացման չափանիշի, այն է՝ աշխատանքի վայրը մինչև ազատագրկումը, և դասակարգման մինչ այժմ մշակված և հանրաճանաչ նպատակների միջև: Ստացվում է թյուր տպավորություն, որ մեզ հետաքրքրող դասակարգման խումբը, կարծես թե, հայեցողաբար առաջ քաշված չափանիշի հիման վրա կատարված դասակարգում է, որովհետև չկա որևէ կապ այդ չափանիշի (մինչ ազատագրկումն աշխատանքի վայրի) և դասակարգման քրեակատարողական տեսության մեջ հանրաճանաչ նպատակների միջև:

Այսպիսով, հիմք ընդունելով մինչ այժմ կատարված վերլուծությունը՝ ազատագրկման դատապարտվածների դասակարգման նպատակ պետք է համարել դատապարտյալների անվտանգության ապահովումը: Հետևաբար, ազատագրկման հետ կապված պատիժների դասակարգումը, բացի պատժի կատարման անհատականացման միջոցից, պետք է դիտարկել նաև անվտանգության ապահովման նպատակի ապահովման իրավական միջոց: Այս մոտեցումների տեսական ընկալումը լուծում է ենթադրյալ հայեցակարգային հակասությունը ազատագրկման դատապարտվածների դասակարգման նպատակների ու դասակարգման չափանիշների մի մասի միջև, որովհետև ազատագրկման դատապարտված իրավապահ մարմինների նախկին աշխատակիցների դասակարգման խմբի առանձնացումը կապվում է դասակարգման նոր և յուրահատուկ նպատակի հետ, այն է՝ ազատագրկման դատապարտվածների կյանքին ու առողջությանը, այլ իրավունքներին սպառնացող վտանգների կանխումը:

Այսպիսի տեսական եզրակացությունը զուտ վերացական դատողությունների արդյունք չէ, այլ ունի իրական օրենսդրական մի քանի հիմքեր: Դրանցից առաջինը ՀՀ քրեակատարողական օրենսգրքի 68 հոդվածի 1-ին մասի 6-րդ կետն է, համաձայն որի՝ քրեակատարողական հիմնարկում այլ անձանցից անջատ է պահվում նաև այն դատապարտյալը, որի կյանքին կամ առողջությանը վտանգ է սպառնում մյուս դատապարտվածներից: Որոշումն այդ մասին ընդունում է քրեակատարողական հիմնարկի վարչակազմը: Օրենսդրական նման լուծման հիմքում ընկած է դատապարտյալի անվտանգության ապահովման առաջնայնությունը: ՌԴ ՔԿՕ-ն նախատեսում է ազատագրկման դատապարտված անձի դիմումի հիման վրա այլ քրեակատարողական հիմնարկ տեղափոխելու հնարավորությունը, իսկ քրեակատարողական իրավունքի տեսությունը դա դիտարկում է որպես ազատագրկման դատապարտված անձի անձնական անվտանգության ապահովման եղանակներից մեկը²:

Սակայն, ազատագրկման դատապարտված անձանց անվտանգության ապահովման վերը բերված եղանակներն անհատական բնույթ ունեն, որովհետև խոսքը դասակարգման ինչ-որ խմբում գտնվող ազատագրկման դատապարտվածի՝ իր իսկ խմբից անջատելու մասին է, իսկ դա կարող է ունենալ զանազան պատճառներ: Ընդ որում, դա կարող է տեղի ունենալ նաև հենց բուն իրավապահ մարմինների նախկին աշխատակից դատապարտյալների խմբում կամ նրանց քրեակատարող-

¹ St` u Советское исправительно-трудовое право /Беляев Н.А., Бойцов А.И. и др., под ред. Н.А. Беляева, В.С. Прохорова.- Л.: Изд-во Ленинградского университета, 1989, с. 69:

² Քրեակատարողական իրավունքի տեսության մեջ ընդունված կարծիքներից մեկի համաձայն՝ քրեակատարողական համակարգը պետք է ապահովի ոչ միայն անձնակազմի, այլ նաև դատապարտյալների անվտանգությունը (Характеристика осужденных к лишению свободы. По материалам специальной переписи 1999 г. /Под ред д.ю.н., проф. А.С. Михлина.- М.: Юриспруденция, 2001, с. 117):

դական հիմնարկի շրջանակում: Օրենսդրական այս լուծումը գալիս է հաստատելու, որ դատապարտյալների անվտանգության շահերի բավարարման համար օրենսդիրն այնուամենայնիվ նախատեսել է որոշակի անահատկան լուծումներ:

Այսպիսով, եթե ազատագրվման դատապարտված անձին քրեակատարողական հիմնարկում պատիժը կրող որևէ խմբում սպառնում է վտանգ, ապա օրենքը նախատեսում է դրա կանխման միջոցը՝ նրան անջատ պահելը, որի կենսագործողը քրեակատարողական հիմնարկի վարչակազմն է: Սակայն նման միջոցառում կարող է նախաձեռնել նաև օրենսդիրը՝ ելնելով ազատագրվման դատապարտվածների որևէ խմբի անվտանգության ապահովման գերակա շահերից: Նման նպատակ են հետապնդում ուրիշների կյանքի և առողջության համար վտանգավոր հիվանդությամբ տառապող ազատագրվածների առանձնացումը և, անշուշտ, իրավապահ մարմինների նախկին աշխատակիցներին առանձին խմբում տեղակայելը: Այդ դասակարգման իրավական հիմքը ՀՀ ՔԿՕ-ի 68 հոդվածի 1-ին մասի 4-րդ կետն է:

Դասակարգման չափանիշն ազատագրվման դատապարտվածների նախկինում կատարած աշխատանքն է իրավապահ մարմիններում: Դասակարգման նման չափանիշը չունի ո՛չ մանկավարժական, ո՛չ հոգեբանական հիմքեր, այլ մասամբ հասարակության մեջ և համատարած քրեակատարողական հիմնարկներում կամ ազատագրվման ձևով պատժի կատարման այլ վայրերում արմատավորված հանցավոր ենթամշակույթն ու բարքերն են:

Այդ ենթամշակույթը դրսևորում է կայուն, հանցավոր թշնամական դիրքորոշում այն ամենի նկատմամբ, ինչը կապված է հանցավորության դեմ պայքարի ու արդարադատության մարմինների, հատկապես դրանց անձնակազմի հետ¹: Ընդ որում, այդ մշակույթի վտանգներն այնքան իրական, բազմաթիվ և բազմաբնույթ են, որ դրանց կանխումը պատժի կատարման ընթացքում կիրառվող ներգործության միջոցների օգտագործմամբ հնարավոր է²: Այդ հիմնավոր սոցիոլոգիական պատճառը հիմք ընդունելով՝ օրենսդիրը կիրառել է խնդրի լուծման համապարփակ եղանակ՝ սահմանելով նշված խմբի և մի շարք այլ ենթախմբերի պատկանող անձնաց պատժի անջատ կատարման պահանջը:

Քրեակատարողական իրավունքի տեսության մեջ ազատագրված անձնաց դասակարգելու հարցում հիմնավորում ստացած մեթոդաբանական դրույթներից մեկն էլ դասակարգման ինստիտուտի համալիրության որակը ճանաչելն է: Խնդրի էությունն այն է, որ ազատագրվման դատապարտված անձնաց դասակարգումը զուտ և միայն քրեակատարողական իրավունքի ինստիտուտ է:

Դրա սկզբնական իրավական հիմքերն ու չափանիշները սահմանվում են քրեական իրավունքում, որտեղ բազմաթիվ իրավադրույթներ և իրավական ինստիտուտներ անմիջական կապ ունեն ազատագրվման դատապարտված անձնաց դասակարգման հետ³: Սակայն քրեակատարողական օրենսդրությունը կուրորեն չի

¹ Քրեակատարողական հիմնարկներում հանցագործությունների կատարման հանգեցնող արժեքային կողմնորոշումների մեջ իրենց կայուն տեղն ունեն դատապարտյալների կողմից հանցավոր ենթամշակույթի ընդունումը և պահպանումը, որը պենիտենցիար հանցավոր վարքագծի ներքին հիմնական պատճառներից է, քրեածին հատուկ գործն: Այդ մասին մանրամասն տե՛ս **Տարկով Օ.Փ., Миллюков С.Ф.**, Наказание: уголовно-правовой и криминологический анализ.- СПб.: Изд.-во «Юридический центр прессы», 2001, էջ 176-177:

² Հանցավոր ենթամշակույթի տարատեսակներից է, այսպես կոչված, բանտային ենթամշակույթը: Դրա հիմնահարցերի և հետխորհրդային հասարակության վրա ազդեցության մասին տե՛ս **Олейник А.Н.**, Тюремная субкультура в России: от повседневной жизни до государственной власти.- М.: ИНФРА-М., 2001, XIV, 418 с.

³ Մասնավորապես խոսքը վերաբերում է քրեական իրավունքի այնպիսի ինստիտուտներին, ինչպիսիք են հանցագործությունների դասակարգումը, հանցագործությունների ռեցեդիվը, քրեական պատասխանատվության տարիքը, անչափահասների քրեական պատասխանատվության առանձնահատկությունները, մեղքի ձևերը, ազատագրվման ժամկետները և

հետևում քրեական օրենսդրությանը: Այն, անշուշտ, վերարտադրում է դրա՝ որպես նյութական իրավունքի դրույթները, սակայն զարգացնում է դասակարգման ինստիտուտը՝ այն լրացնելով նոր չափանիշներով, ինչի արդյունքում առաջ են գալիս առանձին տեսակի քրեակատարողական հիմնարկներ, ինչպես նաև միևնույն հիմնարկի կառուցվածքում որոշակի խմբերին անջատ պահելու ինստիտուտներ¹: Ազատագրված և դատապարտվածների դասակարգման իրավական ինստիտուտի համատեքստում անհրաժեշտ է նշել, որ իրավապահ մարմինների նախկին աշխատակից դատապարտյալներին անջատ պահելու պահանջը չունի որևէ քրեաիրավական ակունքներ: Այդ անձնաց պատժի կրման քրեաիրավական կողմերը հաշվառվելու են իրենց համար առանձին ստեղծված քրեակատարողական հիմնարկներում՝ քրեակատարողական հիմնարկի տարբեր տեսակների ու պայմանների կիրառմամբ²: Այսպիսով, իրավապահ մարմինների նախկին աշխատակից դատապարտյալների ազատագրվումն անջատ կիրառելու պահանջը քրեակատարողական օրենսդրությամբ սահմանված չափանիշ է: Տեսաբանները միանշանակ կարծում են, որ «... դատապարտյալների դասակարգման չափանիշները և նրանց տարբեր տեսակի քրեակատարողական հիմնարկներում պահելու կանոնները սահմանում է քրեական օրենսդրությունը, իսկ քրեակատարողականը ոչ թե կրկնում է դրանք իր նորմերում, այլ զարգացնում է դրանք: Ազատագրվածների անջատ պահումը մեկ տեսակի քրեակատարողական հիմնարկի շրջանակում համարվում է քրեակատարողական օրենսդրության իրավագործությունը»³:

Իրավապահ մարմինների նախկին աշխատակից դատապարտյալների հիմնահարցի քննարկումը ազատագրված և դատապարտված անձանց դասակարգման օրենսդրական դրույթների և այդ դասակարգման տեսական մոտեցումների (նպատակների, չափանիշների, նշանակության և այլն) համատեքստում հնարավորություն է տալիս կատարված հետազոտությունն ամփոփել հետևյալ եզրակացություններում:

Իրավապահ մարմինների նախկին աշխատակիցներին անջատ պահելն ազատագրված և դատապարտված անձանց դասակարգման քրեակատարողական իրավական ինստիտուտի ենթահիմնադրույթ է:

Ազատագրված և դատապարտվածների դասակարգման իրավական ինստիտուտի համալիրության համատեքստում իրավապահ մարմինների նախկին աշխատակից դատապարտյալներին անջատ պահելու պահանջը չունի քրեաիրավական ակունքներ: Այդ անձնաց պատժի կրման քրեաիրավական կողմերը հաշվառվելու են իրենց համար առանձին ստեղծված քրեակատարողական հիմնարկի ներսում՝ քրեակատարողական հիմնարկի տարբեր տեսակների ու պայմանների կիրառմամբ: Հետևաբար, իրավապահ մարմինների նախկին աշխատակից դատապարտյալների ազատագրվումն անջատ կիրառելու պահանջը քրեակատարողական օրենսդրությամբ սահմանված չափանիշ է:

տեսակները, դատվածությունը և այլն (տե՛ս Հայաստանի Հնարապետության քրեական իրավունք: Ընդհանուր մաս (վեցերորդ վերահրատարակություն՝ փոփոխություններով ու լրացումներով), Ս. Առաքելյան, Հ. Խաչիկյան և ուրիշներ.- Եր., ԵՊՀ հրատ., 2012, էջեր 87-96, 159-227, 373-418, 509-514):

¹ Պատժի և հատկապես ազատությունից զրկելու հետ կապված, քրեաիրավական և քրեակատարողական տարբերակման, դրանց որպես առանձին տեսակների և դրսևորման եղանակների մասին տե՛ս **Курганов С.И.**, Наказание: уголовно-правовой, уголовно-исполнительный и криминологический аспекты.- М.: ТК Велби, изд.-во проспект, 2008, с. 129-139:

² Այսպես՝ «Վարդաշեն» քրեակատարողական հիմնարկում սահմանված է դատապարտյալների պատժի կրման անհատականացման քրեակատարողական հիմնարկների հետևյալ լրակազմը՝ փակ, կիսափակ, կիսաբաց, բաց (տե՛ս pmg.am/hy/penitentiaries/penitentiaries-list/2016-09-27-11-04-13):

³ Տե՛ս Уголовно-исполнительное право России /Под ред. проф. В.И. Селивестрова. – 2-е изд., перераб. и доп. – М.: Юристъ, 2000.- с. 288:

Ազատագրկման դատապարտվածների դասակարգման նպատակները տեսաբաները հիմնականում կապում են պատժի տարբերակման ու անհատականացման հետ: Սակայն ազատագրկման դատապարտված անձանց դասակարգման օրենքով սահմանված մի շարք չափանիշներ, հատկապես քաղաքացիության հարցը և նախկինում իրավապահ մարմինների աշխատակից լինելու հանգամանքը չեն տեղավորվում այդ նպատակների համատեքստում:

Իրավապահական մարմինների նախկին աշխատակից անձանց ազատագրկման ձևով պատժի կատարման ընթացքում անջատ պահելու սոցիոլոգիական հիմքը քրեակատարողական հիմնարկներում առկա հանցավոր ենթամշակույթն ու բարքերն են, դրա իրավաբանորեն ձևակերպված չափանիշը՝ այս անձանց նախկինում զբաղեցրած պաշտոնը կամ աշխատանքի բնույթը: Այսպիսի եզրակացությունից բխում է, որ քրեակատարողական իրավունքի տեսության մեջ ազատագրկման դատապարտվածների դասակարգման տեսական բովանդակությունը պետք է լրացվի հետևյալ հիմնադրույթով. ազատագրկման դատապարտված անձանց դասակարգման նպատակ պետք է ճանաչել նաև այդ անձանց անվտանգության ապահովումը, հետևաբար ազատագրկվածների դասակարգման մեթոդաբանությունը ոչ միայն պատժի կատարման ու կրման անհատականացման, այլ նաև ազատագրկման դատապարտվածների մի շարք անձնական և այլ բնույթի իրավունքների ու ազատությունների ապահովման միջոց է:

Ազատագրկմանը վերաբերող պատիժների դատապարտվածների դասակարգումը բացի պատժի կատարման անհատականացման միջոցից պետք է դիտարկել նաև անվտանգության ապահովման նպատակի ապահովման իրավական միջոց: Այս մետեցունների տեսական ընկալումը լուծում է ենթադրյալ հայեցակարգային հակասությունն ազատագրկման դատապարտվածների դասակարգման նպատակների ու դասակարգման չափանիշների մի մասի միջև, որովհետև ազատագրկման դատապարտված իրավապահ մարմինների նախկին աշխատակիցների դասակարգման խմբի առանձնացումը կապվում է դասակարգման նոր և յուրահատուկ նպատակի հետ, այն է՝ ազատագրկման դատապարտվածների կյանքին ու առողջությանը, այլ իրավունքներին սպառնացող վտանգների կանխումը:

ПРОБЛЕМЫ ОСУЖДЕННЫХ БЫВШИХ СОТРУДНИКОВ ПРАВООХРАНИТЕЛЬНЫХ ОРГАНОВ В КОНТЕКСТЕ КЛАССИФИКАЦИИ ПРИГОВОРЕННЫХ К ЛИШЕНИЮ СВОБОДЫ ЗАКЛЮЧЕННЫХ

Давид Зилфимян

*Соискатель Кафедры уголовного права ЕГУ,
прокурор прокуратуры Ширакского марза*

В работе обсуждаются основные вопросы осужденных бывших сотрудников правоохранительных органов в контексте законодательных положений о классификации лиц, приговоренных к лишению свободы, и теоретических подходов к этой классификации с точки зрения целей, критериев и значимости. Классификация лиц, приговоренных к лишению свободы, это не просто институт уголовного права. Его первоначальные правовые основы и критерии изложены в уголовном праве, где многие правовые институты напрямую связаны с классификацией лиц, приговоренных к лишению свободы.

THE ISSUE OF CONVICTS FORMER LAW ENFORCEMENT OFFICIALS IN THE CONTEXT OF CLASSIFICATION OF PRISONERS

Davit Zilfimyán

*PhD Student at the YSU Chair of Criminal Law,
Prosecutor at the Prosecutor's office of Shirak marz*

The article is dedicated the issue of convicts-former law enforcement agencies in the context of the legislative provisions for the classification of persons sentenced to imprisonment and the theoretical approaches to the classification, purposes, criteria and significance. The classification of persons sentenced to imprisonment is not a mere institute of penal law. Its initial legal bases and criteria are set out in criminal law where many jurisdictions and legal institutions are directly linked to the classification of persons sentenced to imprisonment.

Բանալի բառեր - *իրավապահ մարմինների նախկին աշխատկից դատապարտյալ, դատապարտված անձանց դասակարգում, դատապարտյալներին անջատ պահել, ազատազրկման դատապարտված անձանց դասակարգման օրենքով ամրագրված չափանիշներ, ազատազրկման դատապարտվածների դասակարգման նպատակներ, ազատազրկման դատապարտված անձանց անվտանգության ապահովման եղանակներ*

Ключевые слова - *осужденный бывший сотрудник правоохранительных органов, классификация осужденных, отдельное содержание осужденных, установленные законом критерии о классификации лиц, приговоренных к лишению свободы, цели классификации заключенных, способы обеспечения безопасности осужденных к лишению свободы*

Key words - *the convicts from a former law enforcement officers, classification of convicted persons, separate maintenance of the convicts, standards prescribed by the law on the classification of persons sentenced to imprisonment, objectives of the classification of prisoners, ways of ensuring the security of persons sentenced to imprisonment*